

Yungzsuij:

Lwgnyez Myauzcuz Youq Gwnz Vangjdoxlien Hwnjdangz

Deng binghraq sinhgvanh feiyenz yingjyangj, gyoengq hagseng Yungzsuij Myauzcuz Swciyen Swyungz Yangh Dunghdenz Cunh Mbanjmyauz Denzdouz cingq youq gwnz vangjdoxlien hwnjdangz, daengx mbanj 10 lai boux hagseng doeg

cunghyoz ngeih nienzgaep daengz dayoz it nienzgaep haenx daj ndwen 2 ngoenz 16 laebdaeb youq gwnz vangjdoxlien hwnjdangz, guhdaengz “dingz goq mbouj dingz hag” “mbouj noix saek boux”.

(Lungz Dauh/龙涛)



▲ Cozbinj hagseng Nanzningz Swhfan Dayoz.

Nanzningz: Fuengzre Binghraq Boux-cuengh Vwnzva Hezvei Caez Okrengz

Mboengqneix, Nanzningz Swhfan Dayoz Bouxcuengh Vwnzva Hezvei daegbied youq gwnz vangj banh aen cawjdaez hozdung “fuengzre gaemhanh binghraq, Bouxcuengh Vwnzva Hezvei caez okrengz” ndeu, hozdung cungsim dwg “doengcaez okrengz, hoenx hingz binghraq”, vih hawj daengx hagdangz lauxsae caeuq hagseng guh ndei gij hong boiqhab fuengzre gaemhanh binghraq, doenggvaq ingj siengq, vehdoz, sij sawlig daengj mizgven “Lwghag Nanzswghda caez hengzdoengh, aeu vwnzyi cozbinj dingj binghraq” cauxguh, yungh Sawcuengh roxnaeuz Sawgun sij ndei ngoenzgeiq fuengzre gaemhanh binghraq, aeu vahdoj daeuj loegguh fuengzre gaemhanh binghraq sibinz dinj daengj lai cungj hingzsik, yungh caensaed hengzdoengh baij ok gij yienghsiengq daihhagseng Nanzswghda gamj guh, rox guh, guh ndaej baenz, gaenxmaenx cienzboq naengzliengh cingq, caemhcaiq gingq boux guh hong dingj binghraq, caeuq Vujhan caeuq Cungguck caez haenqrengz.

Vueddoengh daj 3 nyied 8 hauh hainduj doxdaeuj, gyoengq lwghag Nanzswghda doxcanj camgya, gaengawq gij conhyez daegsaek bonjfaenh, hopheux cawjdaez fuengzre gaemhanh binghraq, bae dajcauh gij cawjdaez cozbinj lai cungj hingzsik. Mizmbangj dwg geiqloeg gij saehgienh gamjdoengh caeuq gij swnghhoz gamjsiengj swheij mwh fatbingh, mizmbangj cix dwg doenggvaq gij cozbinj veh dozveh gangj ok le gij gietsim cizgiz fuengz dingj binghraq, lij mizmbangj yungh vahdeihfueng loegguh fuengzre binghraq mizgven cihsiz sibinz dinj daengj ciuheuh vunz henz ndang, caezsim doengz guh, itheij hoenx binghraq, doenghgij cozbinj gig miz minzcuz daegsaek caeuq ganjyenj naengzlig neix, cungj doenggvaq gij gunghcunghau Bouxcuengh Vwnzva Hezvei doisoengq fatbiuj, hawj engq lai vunz caez yiengjsouh, dawz gij sim gij rengz doxgiet doxcomz hwnjdaej, sawj vunzlai engq miz saenqsim hoenx hingz binghraq.

(Fanz Yijsuij/樊雨水 Cwngz Danhyingj/成丹颖 Cinz Meijgyah/覃美嘉)



▲ Hagseng Myauzcuz cingq youq gwnz vangjdoxlien hwnjdangz.

Sanhgyangh:Gingjih Haidaeuz Cuengqlangh

Mboengqneix, Sanhgyangh Dungcuz Swciyen Linzhih Cin Giuzcwnzgyangz Gingjih haidaeuz cuengqlangh hawj hekyouz haeujbae youz lo. Ndaw gingjih bya heu raemx saw, va hai daengx dieg. Angqcoux gyoengq beix-nuengx gak dieg daeujdaengz Sanhgyangh yawj Giuzcwnzgyangz. Mwngz yawj, song dahsau Dungcuz cingq youq ndaw gingjih angq youz, yaep ndeu yawj va, yaep ndeu ingj siengq, vunz gyaeu gingj engq gyaeu.

(Vuz Lenyinh/吴练勋)



▲ Dahsau Dungcuz cingq yawj va.

Nanzningz:“Cejsam” Dauqma Eu Fwen Lo



▲ “Cejsam” dauqma eu fwen lo!

yienjheiq cungj daiqhwnj goujcau, ndaw heiqciengz mbouj miz vunz yawjheiq, gyoengqvunz cungj nyinhcaen baizlien, daiq goujcau hix mbouj yingjyangj eu fwen diuq foux. Daengz ciengz binghraq neix sat le, sam nyied sam bimoq raeuz doxduenq youq Gvangjsih caez eu fwen!

(Suz Cin/粟俊)

Yienznaeuz seiz-neix lij guh hong fuengzre binghraq, hoeng sam nyied sam caemh yaek daengz lo. Geij ngoenz neix, Gvangjsih Vwnzva Lijyouzdingh daegbied baecinj hawj gyoengq bouxyienjheiq heiqdaiizheiq 《Liuz Cejsam》 youq ndaw heiqciengz iq hoizfuk baizlien. “Cejsam” “Beixvaiz” caeuq gyoengq bouxyienjheiq